

¡BOMBA!

El arte es en sí el fin
que por sí solo cautiva;
y por ver gráfica viva,
¡vamos con Guillermo Olguín!



K'uintsil

Lunes 2 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2374 · www.lajornadamaya.mx

Googlee' táan u meyaj ti'al u béeytal u kaxtik ba'alo'ob yéetel jejeláas k'áatchi'ob tu paach yáax kaaxan

Europa Press
Oochel Ap



U mola'ayil Googlee' táan u meyaj ti'al u yantal jump'éeel túumben bix u k'aabéetkunsal u buscador, yéetel le yaan u béeytal u kaxtik máax wa ba'ax ba'ale' yéetel u t'aan, ba'ale' tu paache' yaan u béeytal u k'aata'al uláak' ba'alo'ob yaan ba'al u yil yéetel ti'al u maas náachtal u kaaxan.

Walkila' Googlee' ku cha'ak a k'aatik ti' ka u kaxt wa ba'ax yéetel

u t'aan máax, ba'ale' kéen u chiikbes wa ba'axe' ti' ku ts'o'okoli'; wa tumen taak u kaxta'al uláak' ba'alo'obe', unaj túun u beeta'al tumen kaaxan.

Beroa Googlee' táan u meyajtik uláak' túumben bix je'el u kaxtik wa ba'ax, ba'ale' ikil u béeytal u tsikbal yéetel le máax ku kaaxani', ti'al beyo' u ye'esik uláak' ba'alo'ob ku kaxtik tu séeba'anil.

Lela' ku béeytal tumen le buscadoro' ma' táan u xof'ik u yu'ubik u t'aan máax, ti'al beyo' wa ku k'aatik uláak' wa ba'ax ku maas saasilkúunsik ba'ax le kaxta'alo', yaan u béeytal u beetik uláak' kaaxan ts'o'oke' ma' táan u k'aabéetkunsik u jeel káajal máax u kaxtej.

Le je'ela' jts'a'ab k'ajóoltbil ti' X tumen u analistail áaplikasyoones Google AssembleDebug, máax ts'o'ok

u béeytal u yáax ilik bix u meyaj le kaaxan beya', ts'o'oke' tu ya'alaje', le aappo', ku yu'ubik mantats' u t'aan le máax ku kaaxano' ka'alikil u kaxtik ba'alo'ob tu yóok'olal. Je'el bix, wa kaaxan ku káajal yéetel: 'tu'ux p'aatal Taj Mahal', Google yaan u kaxtik ba'al yóok'olal, ba'ale' yaan u béeytal xan u ya'alal tu paach: máax beetej wa ba'axten beeta'abij.